

臨時公報

# 臨時公報

第二輯

江蘇人民出版社出版

江蘇廣陵古籍刻印社影印

本書收集整理：

蔡鴻源

孫必有

大中華民國元年三月二十七日

壬子年二月初九日  
星期三

# 臨時公報

發行所

北京東長安牌樓王府井大街  
電話東局二百零一號

目錄

命令

電報

批呈

公函

# 奉命令

臨時大總統令

齊耀琳請假省親應如所請給假一個月委任張鎮芳署理河南都督此令

中華民國元年三月二十三日即壬子年二月初五日大總統蓋印

臨時大總統令

任命彭英甲補授甘肅布政使此令

中華民國元年三月二十六日即壬子年二月初八日大總統蓋印



電報

袁大總統致安慶皖無和含巢代表楊宏浚諸君燕湖晚十七州縣災區代表班達師諸

君電 陽曆三月二十四日

審效電悉江皖工賑需款甚鉅未能立時籌措實深焦灼現雖已飭部電撥通商滙行存款二十九萬元交由張君季直先行分途酌辦杯水車薪聊濟眉急時艱財絀當再竭力勉籌大總統袁啟

袁大總統覆青口韓樞王民政長許代表鼎彝諸君電 陽曆三月二十四日

元號電悉江皖災黎亟思賑撫現已飭部電撥通商滙行存款交張君季直分途酌辦惟地廣災深杯水難濟時艱財絀容待勉籌大總統袁啟

袁大總統覆清江浦姜偉章諸君電 陽曆三月二十四日

江皖賑務已託張君季直辦理所言唐紳錫晉查賑事就近商張君爲感大總統袁啟

濟南張都督來電 陽曆三月二十五日

竊於陽曆十七日奉鈞處電令各省巡撫均改爲都督等因當將遵辦情形電陳在案惟既改稱都督一切公事仍用巡撫印信未免銜印不符現經自刊木質關防文曰都督山東地方國防已於本月二十四日即壬子年二月初六日啟用爲暫時權宜之計一俟鈞處頒定關防一經法再行遵守理合電請查核廣達叩啟

陽歷三月十七日即壬子二月初九日

奉批 呈

河南巡撫爲呈請事據提法司和爾府額稟稱竊本司前在新疆藩司任內因地居邊微濕重風高往返奔馳染受脾氣虛寒之症自宣統二年補授河南提法使司蒞任至今已逾一載時值司法分立之始經營規畫繁難倍於平時上年籌設司法公所及開辦省城各級審判廳自春徂秋規模甫能粗具滿擬接續籌辦以期漸即完全適自鄂亂驟起國步多艱憂憤填胸觸發舊疾晝則精神委頓夜則不能成眠初尙勉強支持近竟日益加劇據醫者云因心氣風虧又兼思慮傷脾所致非靜心調養一時不克就痊竊維司法一官事繁任鉅當茲國體初改百端待理之時曷敢以病軀貽誤戀棧惟有仰祈憲台曲體下情准予代陳開去提法使司員缺迅賜委員接代俾得早日回京安心醫治實爲恩公兩便所有因病呈請開缺緣由理合稟請鑒核等情據此除稟批示外相應具文呈請爲此備由呈祈大總統俯賜鑒核示遵施行

批據呈已悉應卽照准交該衙門備案此批

中華民國元年三月二十六日即壬子年二月初八日

河南巡撫爲呈請事據開歸陳許鄆道袁鎮南稟稱竊職道猥以樸實直開科名自壯年宣仕中州歷任知縣直隸州知府晉升首郡洵擢今職計官豫三十餘年任重材餘毫無建樹應稱歲月慚悚交榮現值時事多艱共和成立凡屬臣工允宜恪遵前次

詔旨慎依職守勿曠厥官職道何敢退萌退志惟職道自去夏感受濕熱致患瘡疾請假將及三月雖調治就痊而年逾六旬精神信減於曩昔職道分巡地方兼理河務責任甚重現在地方糜爛已極既無補救之方幾同尸位而河工事務督率修防在在均關緊要時時春汛將屆若以衰朽之軀當此鉅任設有貽誤獲咎實深惟有仰懇俯賜矜全即行委員接署並予開缺俾職道得以養病山林藉延歲月皆出自憲恩高厚之所賜也臨稟無任悚惶待命之至等情據此除稟批示外相應具文呈請為此備由呈祈

大總統俯賜鑒核示遵施行

批據呈已悉應即照准交該衙門備案此批

中華民國元年三月二十六日即壬子年二月初八日

河南巡撫爲呈請事據彰衛懷道石庚稟稱竊職道前因患病屢次請假調治復以病勢增劇電請委署以使就醫荷蒙憲恩照准檄委何道廷俊署理定於正月初一日接篆職道屢爲齟齬正氣積虧因之諸邪交侵莫能支柱衰頹之狀爲何道所目擊非得名醫萬難奏效尤非靜養不易復元河北道一缺管理地方河工均甚重要斷不敢以病軀戀棧致滋貽誤刻下諸事均已交代清楚別無經手未完事件擬即至保定濟南一帶養病理合稟請鑒核俯准查辦開缺俾得起程就醫嗣後有生之日無非戴德之年感荷成全曷其有極等情據此除批示外相應具文呈請爲此備由呈祈

大總統察照核示飭遵施行

批據呈已悉應即照准交該衙門備案此批

中華民國元年三月二十六日即壬子年二月初八日

大中華民國軍政府江北提督蔣雁行謹呈爲呈報職檢民政長曹錕因病辭職該邑各界公舉海州軍政支長王佐良兼署請先電委分飭任卸備文俱呈伏祈

大總統睿鑒事竊職檢地方素稱難治匪亂初定尤多善後之籌非選精幹之員不足以資治理現迭據該邑各界三次電稱曹民政長病劇辭職開會公舉海州軍政支長王佐良兼署暨據該民政長曹錕電請辭職並稱王佐良英明素著才識過人以之任民政長等宜克盡游刃有餘各等情前來伏查該軍政支長既係該邑各界公舉全體贊成應即照准以順輿情除先電委分飭任卸並咨明內務部詳部督覽另文委任外理合具文呈報伏祈

大總統睿鑒訓令施行謹呈

批據呈已悉此批

中華民國元年三月二十六日即壬子年二月初八日



# 公函

袁大總統覆國民共進會函

陽曆三月二十五日即壬子二月初七日

承示以南方各省都督概由公舉因欲北方各省亦一律從同竊謂此一問題關係至鉅民主共和諸國立法之例各殊美瑞聯邦皆由公舉蓋其一州實同一國自有主權不受干涉惟以憲法所載權限歸之中央而法國地方則無獨立行政大抵各觀其歷史與國勢更加經驗所得以立制度民國初建方在臨時期間而都督以軍府總攬行政是否可爲民國永遠之制得從種種方面觀察不能折衷適宜今南之聽其地方公舉與北之仍由中央委任皆爲維持現狀不欲以紛更而生枝節各守舊規以待新制未嘗有成見於其間惟世界通例未有以軍官而從民選者今之都督既非民政長官若聽由民選軍人能否服從若由軍人擁戴將來成何現象可想而知故此問題非軍政民政分析之後無從解決且南方都督爲革命時代所推舉北方都督乃從前督撫之改稱沿革不同則軍民此時對於都督之心理亦不同惟有能施公布官制使一視法令爲標準則異同無自而生方爲正辦諸君子爲保持安甯尊重憲法而圖熟計利害研求萬全之法大局幸甚端復敬請公安

原 缺

大中華民國元年三月十八日

壬子年二月初十日  
星期一



# 臨時公報

發行所

北京東長安牌樓王府井大街  
電話東局二百零一號

電  
報

二  
錄